



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გურიელი ნინო დავითის ასული



ნ. გურიელი

გურიელი ნინო დავითის ასული (დ. 7. XII. 1961, თბილისი), მოჭადრაკე. საერთაშ. დიდოსტატი (1979), სსრკ სპორტის ოსტატი (1976), საერთაშ. ოსტატი (1978), საქართვე. ჭადრაკის ფედერაციის პრეზიდენტი (2002-04). დაამთავრა თსუ (1982). საქართვე. ჩემპიონი (1976, 1992), სსრკ ჩემპიონატის ცხრაგზის მონაწილე (საუკეთესო შედეგები: 1981 - II ადგილი, 1985 - III-IV ადგილები), 1978-იდან მონაწილეობს ქალთა მსოფლიო ჩემპიონატებში. ზონალური ტურნირები: ფრუნზე (1978 - I ადგილი), ჩერნიგოვი (1985, II-IV); საზონათაშორისო ტურნირები: ალიკანტე (1979- III); თბილისი (1982, IV-VI); ჟელეზნოვოდსკი (1985 - VII); კუალა-ლუმპური (1990 - III- IV); პრეტენდენტთა მეოთხედფინალურ მატჩში 1980 დამარცხდა ნონა

გაფრინდაშვილთან; 1997 მონაწილეობდა პრეტენდენტთა ტურნირში; იყო ქალთა მსოფლიო საჭადრაკო ოლიმპიადაზე საქართვენაკრების შემადგენლობაში: ოქროს მედალი (1992, 1994, 1996); ვერცხლის მედალი (2000); გამარჯვებული გუნდის კაპიტანი (2008). მოიპოვა პირველი ადგილი საერთაშ. ტურნირებში: ბიდგომში (1978, 1979), ბად-კისინგენი (1981), სოფია (1983), პლოვდივი (1986), ბელგრადი (1986, 1990), ჰავანა (1988) და სხვ. დაჯილდოებულია ღირსებისა (1994) და გორგასლის III ხარისხის (2001) ორდენებით.

თ. გიორგაძე